

卷十八

九

重錄總校官 傅郎 高世

學士 陳以勳

分校官 修撰 丁士美

書寫辦事官 吳邦方

圖點監生 馬安孝

鹿廷華

永樂大典卷之六千八百三十八

十八陽

王

王韶

隋書列傳韶字子相自云太原晉陽人也世居京兆祖諧原州刺史父諒早卒韶幼而方雅頗好奇節有識者異之在周累以

軍功官至車騎大將軍儀同三司復轉軍正武帝既拔晉州意欲班師韶諫曰齊大紀綱於茲累世天獎王室一戰而扼其喉加以主昏於上民罹於下取亂侮亡正在今日方欲釋之而去以臣愚固深所未解願陛下圖之帝大悅賜縑一百匹及平齊氏以功進位開府封晉陽縣公邑伍百戶

賜口馬雜畜以萬計遷內史中大夫宣帝即位拜豐州刺史改封昌樂縣公高祖受禪進爵項城郡公邑二千戶轉靈州刺史加位大將軍晉王諱

之鎮并州也除行臺右僕射賜縑五百匹韶性剛直王甚憚之每事諮詢不敢違於法度韶嘗奉使檢行長城其後王穿池起三山韶既還自鎖而

諫王謝而罷之高祖聞而嘉數賜金百兩并後宮四人平陳之後以本官爲元帥府司馬帥師趣河陽與大軍會既至壽陽與高顯支度軍機無所

擁帶及剋金陵。詔即鎮焉。晉王廣班師。留韶於石頭防邊。委以後事。歲餘徵還。高祖謂公卿曰。晉王以幼稚出藩。遂能克平吳越。鎮靜江湖。子相之力也。於是進位柱國。賜奴婢三百口。綿絹五千段。開皇十一年。上幸并州。以其稱職。特加勞勩。其後上謂韶曰。自朕至此。公鬚鬢漸白。無乃憂勤所致。柱石之望。唯在於公。努力勉之。韶辭謝曰。臣比蒙殊殊不解作官人。高祖曰。是何意也。不解是未用心耳。韶對曰。臣昔在昏季。猶且用心。況逢明聖。敢不罄竭。但神化精微。非驚蹇所逮。加以今年六十有六。桑榆云晚。比於疇昔。昏忘人多。豈敢自寬。以連身累。恐以衰暮。虧奉朝綱耳。上勞而遣之。秦王俊爲并州總管。仍爲長史。歲餘。駟驛入京。勞聲而卒。時年六十八。高祖甚傷惜之。謂秦王使曰。語爾王我前令子相緩來。如何乃遣駟驛殺我子相。豈不由汝邪。言甚悽愴。使有司爲之立宅。曰。往者何用宅爲。但以表我深心耳。又曰。子相受我委寄。十有餘年。終始不易。寵章未極。舍我而死乎。發言流涕。因命取子相封事數十紙。傳示群臣。上曰。其直言匡正。裨益甚多。吾每披尋。未嘗釋手。煬帝即位。追贈司徒尚書令。靈龜等十州刺史。魏國公。子士隆嗣。士隆畧知書計。尤便弓馬。慷慨有父風。大業之世。頗見親重。官至備身將軍。改封臥公。數令討擊山賊。往往有捷。越王侗稱帝。

士隆率數千兵自江淮而至會王世充僭號甚
禮重之署尚書右僕射士隆憂憤疽發背卒

王文同

隋書列傳王文同京兆潁陽人也性明辯有幹用開皇中以
軍功拜儀同尋授桂州司馬煬帝嗣位徵爲光祿少卿以

忤旨出爲恒山郡丞有一人豪猾每持長吏長短前後守令咸彈之文同
下車聞其名召而數之因令左右剡木爲大槓埋之於庭出尺餘四角各
埋小槓令其人踣心於木槓上縛四支於小槓以棒毆其背應時潰爛郡
中大駭吏人相視懾氣及帝征遼東令文同巡察河北諸郡文同見沙門
齋戒素食者以爲妖妄皆收繫徙比至河間召諸郡官人小有遲違者輒
皆覆面於地而羞殺之求沙門相聚講論及長老共爲佛會者數百人文
同以爲聚結惑衆盡斬之又悉裸僧尼驗有淫狀非童男女者數千人復
將殺之郡中士女號哭於路諸郡驚駭各奏其事帝聞而大怒遣使者遠
奚善意馳錄之斬於河間以謝百姓解人剖其椎脅其肉而啖之斯須咸
盡史臣曰御之良者不在於煩策政之善者無取於嚴刑故雖寬猛相
資德刑互設然不嚴而化前哲所重文同等運屬欽明時無桀黠未聞道
德實懷殘忍賊人飢體同諸木石輕人性命甚於芻狗長惡不悛鮮有不

及故或身嬰罪戾或憂患顛隕凡百君子以爲有天道焉嗚呼復來之士立身從政縱不能爲子高門以待封其可令毋裨墓而望喪乎

王辯

隋書列傳辯字警畧馮翊蒲城人也祖訓以行商致富魏世出粟助給軍糧爲假清河太守辯少習兵書尤善騎射慷慨有大

志在周以軍功授帥都督開皇初遷大都督仁壽中遷車騎將軍漢王諱之作亂也從楊素討平之賜爵武寧縣男邑三百戶後三歲遷尚舍奉御從征吐谷渾拜朝請大夫數年轉鷹揚郎將遼東之役以功加通議大夫尋遷武貴郎將及山東盜起上谷魏刀兒自號歷山飛衆十餘萬劫掠燕趙帝引辯升御榻問以方略辯論取賊形勢帝稱善曰誠如此討賊何足憂也於是發從行步騎三千擊敗之賜黃金二百兩明年勃海賊帥高士達自號東海公衆以萬數復令辯擊之屢挫其銳帝在江都宮闈而馳召之及引見禮賜甚厚復令往信都經畧士達於是復戰破之優詔褒顯時賊帥郝孝德孫宣雅時李康實建德魏刀兒等往往屯聚大至十萬小至數千寇掠河北辯進兵擊之所在皆捷深爲群賊所憚及崔讓寇徐豫辯進頻擊走之讓尋與李密屯浹洛口倉辯與王世充討密阻洛水相持經年群衆諸將攻敗密固薄其營戰破外柵密諸營已有潰者衆勝將入城

世克不知恐將士勞倦於是鳴角收兵翻為寇徒所乘官軍大潰不可救止辯至洛水橋已壞不得度遂涉水至中流為溺人所引墜馬辯時身被重甲敗兵前後相蹈藉不能復上馬竟溺死焉時年五十六三軍莫不痛惜之河南斛斯萬善驍勇果毅與辯齊名大業中從衛玄討楊玄感頻戰有功及玄感敗走萬善與數騎追及之玄感窘迫自殺由是知名拜武貴郎將突厥始畢之圍鴈門也萬善奮擊之所向皆破每賊至輒出當其鋒或下馬坐地引強弓射賊所中皆殪由是突厥莫敢逼城十許日竟退萬善之力也其後頻討群盜累功至將軍時有將軍鹿愿范貴馮孝慈俱為將帥數從征討並有名於世然事皆亡矣故史官無所述焉史臣曰楚漢未分絳灌所以宣力曹劉競逐關張所以立名然則名立資草昧之初力宣倏經綸之會攀附鱗翼世有之矣國通護兒之革定和鐵杖之倫皆一時之壯士困於貧賤當其鬱抑未遇亦安知其有鴻鵠之志哉終能振拔汙泥之中騰躍風雲之上符馬革之願快平生之心非過其時焉能至於此也俱羅欲加之罪非其咎豐王辯殞身朝敵志實勤王陳校稿素發喪衰感行路義之所動固已深乎益才錢傑沈光等感恩懷舊臨難忘生雖功無所成其志有可稱矣

王頌

隋書列傳頌字景芳太原祁人也。祖神念。梁左衛將軍。父僧辯。太尉。頌少倣僕。有文武幹局。其父平侯景留。頌質於荊州。遇元

帝。爲周師所陷。頌因入關。聞其父爲陳武帝所殺。號慟而絕。食頃乃蘇。哭泣不絕聲。毀瘠骨立。至服闋。常布衣蔬食。藉藁而卧。周明帝嘉之。召授左

侍上士。累遷漢中太守。尋拜儀同三司。開皇初。以平蠻功。加開府。封蛇丘縣公。獻取陳之策。上覽而異之。召與相見。言畢而歎。敕上爲之改容。及大

舉伐陳。頌自請行。率徒數百人。從韓擒先鋒。夜濟力戰被傷。恐不堪復關。悲感鳴咽。夜中因腫。夢有人投藥比瘡。而瘡不痛。時人以爲孝感。及陳滅。

頌密召父時士卒。得千餘人。對之涕泣。其間壯士或問頌曰。郎君來破陳。國滅其社稷。離耻已雪。而悲哀不止者。將爲霸先早死。不得手刃之邪。請

發其丘壟。斮樹焚骨。亦可申孝心矣。頌頓顙陳謝。頌盡流血。荅之曰。其爲帝王墳塋甚大。恐一宵發掘不及其屍。更至明朝。事乃彰露。若之何。諸人

請具鑿鍾。一旦皆萃。於是夜發其陵。剖棺見陳武帝。鬚並不落。其本皆出自骨中。頌遂焚骨取灰。投水而飲之。既而自縛歸罪於晉王。王表其狀。高

祖曰。朕以義平陳。王頌所爲。亦孝義之道也。朕何忍罪之。舍而不問。有司錄其戰功。將加柱國。賜物五千段。頌固辭曰。臣緣國威靈。得雪怨耻。本心

徇私。非是爲國所加官賞終不敢當。高祖從之。拜代州刺史。甚有惠政。母憂去職。後爲齊州刺史。卒。官時年五十二。弟頌。見文學傳。

王頌

隋書列傳。頌字景文。齊州刺史頌之弟也。年數歲。值江陵陷。隨諸兄入關。少好遊俠。年二十尚不知書。爲其兄頌所責怒。於是

感激。始讀孝經論語。晝夜不倦。遂讀左傳禮易詩書。乃歎曰。書無不可讀者。勤學累載。遂通五經。究其旨趣。大爲儒者所稱。解綴文。善談論。年二

十二。周武帝引爲露門學士。每有疑決。多頌所爲。而頌性識甄明。精力不倦。好讀諸子。偏記異書。當代稱爲博物。又曉兵法。益有縱橫之志。每歎不

逢。時常以將相自許。開皇五年。授著作佐郎。尋令於國子講授。會高祖親臨釋奠。國子祭酒元善講孝經。頌與相論難。詞義鋒起。善往往見屈。高祖

大奇之。起授國子博士。後坐事解職。配防嶺南數載。授漢王諒府諮議參軍。王甚禮之。時諒見房陵及秦蜀二王。相次廢黜。潛有異志。頌遂陰勸諒

繕治兵甲。及高祖崩。諒遂舉兵反。多頌之計也。頌後難進奇策。諒不能用。楊素至。高祖將戰。頌謂其子曰。氣候殊不佳。兵必敗。汝可隨從我。旣而兵

敗。頌將歸突厥。至山中。徑路斷絕。知必不免。謂其子曰。吾之計數不減。楊素但坐言不見從。遂至於此。不能坐。受擒執。以成堅子名也。吾死之後。汝

慎勿過親故於是自殺瘞之石窟中其子數日不得食遂過其故人竟為所擒楊素求頭屍得之斬首象於太原時年五十四撰五經大義三十卷有集十卷並因兵亂無復存者

王世積

隋書列傳世積闕照新國人也父雅周使持節開府儀同三司世積容貌魁岸腰帶十圍風神爽拔有傑人之表在

周有軍功拜上儀同封長子縣公高祖為丞相尉遲迥作亂從韋孝寬擊之每戰有功拜上大將軍高祖受禪進封宜陽郡公高祖美其才能甚善之嘗密謂類曰吾輩俱周之臣子社稷淪滅其若之何類深拒其言未幾授荊州總管平陳之役以舟師自荊水趣九江與陳將紀瑱戰於戰口大破之既而晉王廣已平丹陽世積於是移書告諭遣千金公權始瑱畧取新蔡陳江州司馬黃僊棄城而遁始瑱入據其城世積繼至陳豫章太守徐澄廬陵太守蕭廉尋陽太守陸仲容巴山太守王誦太原太守馬頊齊昌太守黃正始安成太守任權等及鄱陽臨川守將並詣世積降以功進位柱國荊州總管賜絹五千段加之寶帶邑三千戶後數歲桂州人李光仕作亂世積以行軍總管討平之上遣都官員外郎辛凱卿馳勞之及還

進位上柱國。賜物二千段。上甚重之。世積見上性忌刻。功臣多獲罪。由是縱酒。不與執政。言及時事。上以爲有酒疾。舍之宮內。令醫者療之。世積號稱疾愈。始得就第。及起遼東之役。世積與漢王並爲行軍元帥。至柳城。遇疾疫而還。拜涼州總管。令騎士七百人送之。官未幾。其親信安定皇甫孝諧有罪。更捕之。亡抵世積。世積不納。由是有憾。孝諧竟配防桂州。事總管令狐熙。熙又不之禮。甚困窮。因微幸上。雙稱世積嘗令道人稱其責。不道人荅曰。公當爲國王。謂其妻曰。夫人當爲皇后。又將之涼州。其所親謂世積曰。河西天下精兵處。可以圖大事也。世積曰。涼州土曠人稀。非用武之國。由是被徵入朝。按其事有司奏左衛大將軍元昊右衛大將軍元冑左僕射高穎並與世積交通。受其名馬之贈。世積竟坐誅。元冑等免官。拜孝諧爲上大將軍。

世積元冑傳

王 擢

隋書劉方傳。王擢不知何許人。驍勇善射。高祖以其有將帥才。每以行兵總管。屯兵江北。禦陳數有戰功。爲陳人所憚。其從攻

討皆有殊績。官至柱國。白水郡公。

王令言

隋書藝術傳王令言隋之樂人也妙達音律天業末煬帝將幸江都令言之子嘗從於戶外彈胡琵琶作翻調安公

子曲令言時卧室中聞之大驚蹶然而起曰雙雙急呼其子曰此曲與自早晚其子對曰頃來有之令言歔歔流涕謂其子曰汝慎無從行帝必不反乎問其故令言曰此曲宮聲往而不反宮者君也所以知之帝被執於江都

王伽

隋書列傳伽河間章武人也開皇末爲齊州行參軍初無足稱後被州使送流囚李泰等七十餘人詣京師時制流人並枷鎖

傳送伽行次蒙陽哀其辛苦惡呼而謂之曰卿輩既犯國刑虧損名教身嬰縲紲此其職也今復重勞役卒豈獨不媿於心哉泰等辭謝伽曰汝等雖犯憲法枷鎖亦大辛苦吾欲與汝等脫去行至京師總集能不違期不皆拜謝曰必不敢違伽於是悉脫其枷俾獲卒與期曰某日當至京師如致前却吾當爲汝受死舍之而去流人咸悅依期而至一無離叛上聞而驚異之召見與語稱善久之於是悉召流人并令攜負妻子俱入賜宴於殿庭而赦之乃下詔曰凡在有生含靈稟性咸知好惡並識是非若臨以至誠明加勸導則俗必從化人皆遷善往以海內亂離德教廢絕官人無

慈愛之心。兆庶懷姦詐之意。所以獄訟不息。澆薄難治。朕受命上天。安養萬性。思遵聖法。以德化人。朝夕孜孜。意在於此。而伽深識朕意。誠心宣導。參等感悟。自赴憲司。明是率土之人。非爲難教。良是官人。不加曉示。致令陷罪。無由自新。若使官盡王伽之情。人皆李參之輩。刑措不用。其何遠哉。於是擢伽爲雍令。政有能名。

王昶

隋書王昶傳。昶字元春。字元恭。博學多通。少有盛名。於江左仕陳。歷太子洗馬。中舍人。陳亡。與昶俱爲博士。煬帝即位。授祕書郎。

辛官。

王胄

隋書列傳。胄字承基。琅琊臨沂人也。祖瑒。梁太子詹事。父祥。陳黃門侍郎。胄少有逸才。仕陳。起家鄱陽王法曹參軍。歷太子舍

人。東陽王文學。及陳滅。晉王廣引爲學士。仁壽末。從劉方擊林邑。以功授帥都督。大業初。爲著作佐郎。以文詞爲煬帝所重。帝常自東都還京師。賜天下大酺。因爲五言詩。詔胄和其詞曰。河洛稱朝市。崑崙實奧區。周營曲阜作。漢建奉春謨。犬君苞二代。皇居盛兩都。招搖正東指。天駟乃西驅。展

幹齊王軌。武道輝金吾千門。駐罕軍。四達儼車徒。是節春之暮。神皋華實。數皇情感時物。睿思屬拾掇。詔問百年老恩隆。五日醺。小人荷銘鑄。何由吞大鑪。帝覽而善之。因謂侍臣曰。氣高致遠。歸之於胃。詞清體潤。其在世基。意密理新。惟度自直。過此者。未可以言詩也。帝所有篇什。多令繼和。與虞綽齊名。同志友善。于時後進之士。咸以二人為準的。從征遼東。進授朝散大夫。胄性疎率不倫。自恃才大。鬱鬱於薄官。每負氣陵傲。忽略時人。為諸葛穎所嫌。屢譖之於帝。帝受其才而不罪。禮部尚書楊玄感。虛襟與交。數遊其第。及玄感敗。與虞綽俱從逸。胄遂亡匿。潛還江左。為史所捕。坐誅。時年五十六。所著詞賦。多行於世。

王仁恭

隋書列傳。仁恭。字元寬。天水上邽人也。祖建。周鳳州刺史。父猛。鄴州刺史。仁恭少剛毅。脩謀工騎射。弱冠州補主簿。

秦孝王引為記室。轉長道令。遷車騎將軍。從楊素擊突厥於靈武。以功拜上開府。賜物三千段。以驃騎將軍典蜀王軍事。山獠作亂。蜀王命仁恭討破之。賜奴婢三百口。及蜀王以罪廢。官屬多罹其患。上以仁恭素質直。置而不問。煬帝嗣位。漢王諒舉兵。反從楊素擊平之。以功進位大將軍。拜呂

州刺史。賜帛四千匹。女妓十人。歲餘轉衛州刺史。尋改爲汲郡太守。有能名。徵入朝。帝呼上殿。贊勉之。賜雜綵六百段。良馬二匹。遷信都太守。汲郡吏民和馬號哭於道。數日不得出境。其得人情如此。遼東之役。以仁恭爲軍將。及帝班師。仁恭爲殿。遇賊擊走之。進授左光祿大夫。賜絹六千段。馬四十匹。明年復以軍將。指扶餘道。帝謂之曰。往者諸軍多不利。公獨以一軍破賊。古人云。賊軍之將。不可以言勇。諸將其可任乎。今委公爲前軍。當副所望也。賜良馬十匹。黃金百兩。仁恭遂進軍至新城。賊數萬背城結陣。仁恭率勁騎一千擊破之。嬰城拒守。仁恭四面攻圍。帝聞而大悅。遣舍人詣軍勞問。賜以珍物。進授光祿大夫。賜絹五千匹。會楊玄感作亂。其兄子武賁郎將仲伯預焉。仁恭由是坐免。尋而突厥屢爲寇患。帝以仁恭宿將。頻有戰功。詔復本官。領馬邑太守。其年始畢可汗率騎數萬來寇。馬邑復令二特勤將兵南過。將郡兵不滿三千。仁恭簡精銳逆擊破之。其二特勤衆亦潰。仁恭縱兵來之。獲數千級。并斬二特勤。帝大悅。賜絹三千匹。其後突厥復入定襄。仁恭率兵四千掩擊。斬千餘級。大獲六畜而歸。于時天下大亂。百姓饑餓。道路隔絕。仁恭頗改舊節。受納貨賄。又不敢輒開倉廩。振卹百姓。其麾下校尉劉武周與仁恭侍婢姦通。恐事泄。將爲亂。每宣言郡

中曰父老妻子凍餒填委溝壑而王府君閉倉不救百姓是何理也。以此激奴衆吏民頗怨之。其後仁恭正坐聽事。武周率其徒數十人大呼而入。因害之。時年六十。武周於是開倉振給。郡內皆從之。自稱天子。署百官。轉攻傍郡。

王貞

隋書列傳貞字孝逸。梁都陳留人也。少聰敏。七歲好學。善毛詩。禮記。左氏傳。周易諸子百家。無不畢覽。善屬文詞。不治產業。每

以諷讀爲娛。開皇初。汴州刺史樊叔略引爲主簿。後舉秀才。授縣尉。非其好也。謝病于家。煬帝即位。齊王暕鎮江都。聞其名。以書召之。曰。大山藏美玉。光照廊廡之間。地靈神劬。氣淳星漢之表。是知毛遂穎脫。義感平原。孫慧文詞。來遷東海。顧循寡薄。有懷髦彥。藉甚清風。爲日久矣。未獲披覲。良深佇遲。比高天派。未早應涼。廡陵雲仙掌。方承清露。想攝衛攸宜。與時休適。前園後園。從容丘壑之情。左琴右書。蕭散烟霞之外。茂陵謝病。非無封禪之文。彭澤遺榮。先有歸來之作。優游儒雅。何樂如之。余屬當蒲屏。宣條揚越。坐棠聽訟。事絕詠歌。攀桂摘詞。眷言高遊。至於揚旌北渚。飛蓋西園。託乘之應。劉置醴闕中。務背淮之賓。徒聞其語。趨燕之客。罕值其人。卿道冠鵬揚聲。高鳳舉儒墨泉海。詞章苑圃。樓遲街泌。懷寶迷邦。徇茲獨善。良

以於邑。今遣行人具宣往意。側望起予。甚於飢渴。想便輕輦。副此虛心。無
信投石之談。空慕鑿坏之逸。書不盡言。更慙詞費。及貞至。王以客禮待之。
朝夕遣問安不。又索文集。貞啓謝曰。屬賀德仁宣教。須少來。所有拙文。昔
公旦之才。藝能事鬼神。夫子之文章。性與天道。雅志傳於游夏。餘波鼓於
屈宋。雕龍之迹。具在風騷。而前賢後聖。代相師祖。貴逐時移。出門分路。變
清音於正始。體高致於元康。咸吉坐握蛇珠。誰許獨爲麟角。孝逸生於戰
爭之季。長於風塵之世。學無半古。才不逮人。性屬休明。寸陰已晏。雖居可
封之屋。每懷貧賤之耻。適鄆郢而連塗。入邯鄲而失步。歸來及覆。心灰遂
寒。豈謂橫議過賓。虛塵磨覽。枉高車以載寵。費明珠以彈雀。遂得東種三
月。重高門之餘地。背淮千里。望章臺之後塵。與懸黎而並肆。將駿驥而同
阜。終朝擊缶。匪黃鍾之所諧。日暮却行。何前人之能及。顧想平生。觸塗多
感。但以積年沈痼。遺亡日久。拙思所存。纔成三十三卷。仰而不至。方見學
仙之遠。窺而不覩。始知游聖之難。咫尺天人。周章不暇。怖甚真龍之降。慙
過白豕之歸。伏紙陳情。形神悚越。齊王覽所上集。善之。賜良馬四匹。貞復
上江都賦。王賜錢十萬貫。馬二
疋。未幾。以疾甚還里。終于家。

王世充

新唐書列傳。世充字行滿。祖西域胡。號支頽。轉徙徙新豐。死其妻與霸城人王榮爲庶妻。頽稱子。收從之。冒榮姓。仕隋。歷

懷汴二州長史。生世充。豺聲卷髮。忌刻深阻。涉書傳。善兵法。通龜策。推步以陰爲左珥。術。遙御府直。長兵部員外郎。從楊素北伐。爲幽州長史。大業初。爲民部侍郎。善占對。習法。敢舞文上下。人或耕駁。世充以口舌緣飾。衆知其非。亦不能屈也。出爲江都贊清邊郡丞。煬帝數南幸。世充善伺帝顏。色。因色順旨。性機巧。飾臺沼。陰奏遠方珍物以媚帝。帝愛昵之。拜江都通守。兼知官監事。世充觀隋政方亂。而江左浮剽易動。乃陰結豪傑。有繫獄者。皆撓法貸減。以樹私恩。楊玄感反。兵人未變。晉陵人管崇起江南應之。兵十餘萬。隋將吐萬緒魚俱羅討之。不克。世充以偏將募江都萬人。頽擊破之。每捷必歸功於下。虜獲盡推與士卒。故人爭爲效。由是功最多。大業十年。齊賊孟讓轉寇諸郡。至盱眙。世充拒之。保都梁山。列五壁不戰。歲兵以示弱。讓笑曰。世充文法吏。安知兵。吾今生縛之。鼓行下江都矣。時百姓皆入保野。無所掠。讓衆餒。又苦五壁閉道。不得南。即分兵圍之。世充數戰。陽不利。走壁。讓益驕。數日稍分。其下南畧截留兵足圍壁。世充知賊懈。夜夷竈。撤幕爲方陣。外向毀垣。旦而出奮擊。大破之。讓以數十騎去。斬首萬